

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 18 MAC 2015, PUKUL 10.00 PAGI

Bil. 7

PERTANYAAN-PERTANYAAN BAGI JAWAB LISAN

1. PR-1331-L67074
Dato' Hasbullah bin Osman [Gerik] minta **MENTERI KEWANGAN** menyatakan peruntukan yang disediakan Kerajaan kepada pembinaan Rumah Mesra Rakyat di kawasan luar bandar dan kampung tradisi.
2. PR-1331-L66923
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan apakah faktor Suruhanjaya Pilihan Raya (SPR) telah menyiapkan proses persempadanan semula kerusi DUN di Sarawak berbanding di negeri-negeri lain dan di peringkat Persekutuan.
3. PR-1331-L67405
Datuk Haji Shabudin bin Yahaya [Tasek Gelugor] minta **MENTERI PENDIDIKAN** menyatakan perancangan Kerajaan dalam memperkasakan tulisan jawi di institusi pendidikan peringkat rendah, menengah dan tinggi serta adakah Kerajaan bercadang menjadikan ia sebagai satu subjek peperiksaan.
4. PR-1331-L66701
Tuan Shamsul Iskandar bin Mohd Akin [Bukit Katil] minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah pekerja OKU terkini di sektor awam dan swasta mengikut kumpulan iaitu kumpulan sokongan dan pengurusan serta mengikut kategori fizikal, penglihatan, pendengaran dan masalah pembelajaran. Adakah jumlah ini menepati Dasar 1% penglibatan OKU dalam sektor pekerjaan.
5. PR-1331-L66204
Datuk Zahidi bin Zainul Abidin [Padang Besar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jumlah projek perumahan yang terbengkalai serta nama projek dan lokasi yang belum diselesaikan oleh Kementerian.

6. PR-1331-L66737
Tuan Chua Tian Chang @ Tian Chua [Batu] minta **MENTERI WILAYAH PERSEKUTUAN** menyatakan adakah perancangan untuk membina perumahan mampu milik di kawasan Batu. Setakat ini berapa buah projek yang telah diluluskan. Apakah rancangan pihak Kementerian untuk menangani masalah kesesakan lalu lintas di kawasan ini.
7. PR-1331-L65821
Tuan Haji Ahmad Nazlan bin Idris [Jerantut] minta **MENTERI KEMAJUAN LUAR BANDAR DAN WILAYAH** menyatakan apakah halangan yang ada bagi Kementerian mengadakan pendapatan bulanan minima kepada peserta FELCRA di seluruh negara dan bilakah cadangan untuk mengadakan pendapatan minimum dapat dijalankan.
8. PR-1331-L65559
Tuan Fong Kui Lun [Bukit Bintang] minta **MENTERI DALAM NEGERI** menyatakan kedudukan kadar jenayah pelbagai jenis di Kuala Lumpur dan bandar-bandar besar lain seluruh negara sepanjang tahun-tahun 2012, 2013 dan 2014 dan jumlah yang melibatkan warga tempatan dan asing.
9. PR-1331-L66243
Dato' Noraini binti Ahmad [Parit Sulong] minta **PERDANA MENTERI** menyatakan apakah faktor-faktor yang menjadi keutamaan Kerajaan dalam merangka Prosedur Operasi Standard (SOP) dalam menghadapi banjir besar di masa hadapan dan bilakah ianya dijangka akan dilaksanakan.
10. PR-1331-L66424
Raja Dato' Kamarul Bahrin Shah [Kuala Terengganu] minta **MENTERI KERJA RAYA** menyatakan walaupun pihak JKR telah memberi kesanggupan mengubah laluan '*alignment*' jalan baru bagi mengelakkan rumah-rumah kampung tradisi Melayu di Banggol Donas, Terengganu, kenapa sehingga hari ini ia belum dilaksanakan.
11. PR-1331-L66878
Datuk Jumat bin Idris [Sepanggar] minta **MENTERI KEMAJUAN LUAR BANDAR DAN WILAYAH** menyatakan apakah pelan perancangan Kementerian dalam membantu meningkatkan sosioekonomi penduduk di kawasan DUN Inanam khususnya Kaum Kadazan Dusun Murut yang dilihat ketinggalan dalam agihan peluang sosioekonomi setempat.
12. PR-1331-L66891
Dr. Haji Izani bin Haji Husin [Pengkalan Chepa] minta **MENTERI PENDIDIKAN** menyatakan jumlah pelajar di setiap IPTA yang tercicir atau tidak menyambung pengajian mengikut negeri-negeri dari tahun 2010 sehingga 2014.
13. PR-1331-L65584
Dato' Abdul Manan bin Ismail [Paya Besar] minta **MENTERI KESIHATAN** menyatakan sejauh manakah respons di Malaysia terhadap kempen kesedaran mengenai Pneumokokal yang bertujuan untuk memberi kesedaran kepada ibu bapa mengenai penyakit yang disifatkan Pertubuhan Kesihatan Sedunia (WHO) sebagai punca nombor 1 kematian kanak-kanak di bawah umur lima tahun di seluruh dunia ini.

14. PR-1331-L67182
Dr. Michael Jeyakumar Devaraj [Sungai Siput] minta **MENTERI DALAM NEGERI** menyatakan bilangan pemohon yang berjaya mendapat kerakyatan Malaysia antara 1 Januari 2010 hingga 31 Disember 2014 tetapi masih belum menuntut kad pengenalan biru mereka.
15. PR-1331-L65385
Tuan Khoo Soo Seang [Tebrau] minta **PERDANA MENTERI** menyatakan apakah tindakan yang akan diambil oleh Kerajaan dalam pengurusan sumber minyak dalam negara dengan harga baru minyak dunia serta berapakah pengeluaran minyak sehari oleh Petronas pada masa kini dan adakah akan diteruskan.
16. PR-1331-L67350
Ust. Datuk Dr. Mohd. Khairuddin bin Aman Razali [Kuala Nerus] minta **PERDANA MENTERI** menyatakan peranan dan kaitan JKR dan Jabatan Pengairan dan Saliran dalam pembinaan Jambatan Kuala Terengganu ke Seberang Takir. Sejauh mana kelulusan diberikan dan adakah pembinaan itu mengikut peraturan-peraturan yang telah ditentukan.
17. PR-1331-L67039
Datuk Wee Jeck Seng [Tanjong Piai] minta **MENTERI SUMBER ASLI DAN ALAM SEKITAR** menyatakan apakah hasil kajian keberkesanan terhadap rancangan tebatan banjir yang telah ditinjau oleh Kementerian.
18. PR-1331-L65805
Tuan Wan Hasan bin Mohd Ramli [Dungun] minta **MENTERI KESIHATAN** menyatakan status terkini projek Hospital Dungun.
19. PR-1331-L66760
Tuan Che Mohamad Zulkifly bin Jusoh [Setiu] minta **MENTERI DALAM NEGERI** menyatakan polisi negara terhadap kebanjiran pendatang asing di negara ini dan mekanisme dalam mengurangkan jumlah pendatang asing yang menetap melebihi tempoh yang ditetapkan.
20. PR-1331-L66107
Dr. Lee Boon Chye [Gopeng] minta **MENTERI DALAM NEGERI** menyatakan bilangan ujian DNA yang dijalankan setiap tahun pada tahun 2008, 2009, 2010, 2011, 2012, 2013 dan 2014 dan sejauh manakah pelaksanaan Bank Data DNA di peringkat daerah polis.
21. PR-1331-L65382
Dato' Wira Othman bin Abdul [Pendang] minta **MENTERI PERTANIAN DAN INDUSTRI ASAS TANI** menyatakan:-
 - (a) adakah Kementerian menyedari bahawa kajian yang dibuat menunjukkan pendapatan purata petani MADA hanya RM800 sebulan; dan
 - (b) apakah langkah-langkah Kementerian bagi meningkatkan pendapatan 45,000 isi rumah dalam kawasan MADA supaya mereka boleh dikategorikan dalam kelompok berpendapatan sederhana dan tinggi.

22. PR-1331-L66687
Dato' Ngeh Koo Ham [Beruas] minta **MENTERI PERTANIAN DAN INDUSTRI ASAS TANI** menyatakan berapa orang yang telah ditangkap dan didakwa di mahkamah kerana membeli beras Subsidi Super Tempatan 15 (ST15) (beras hancur 15%) kemudian mempakej semula beras berkenaan dan menjualkannya sebagai beras 5% hancur untuk mengaut untung yang berlebihan.
23. PR-1331-L65998
Datuk Nur Jazlan bin Mohamed [Pulau] minta **MENTERI PEMBANGUNAN WANITA, KELUARGA DAN MASYARAKAT** menyatakan bentuk bantuan yang diberikan kepada Pusat Jagaan Swasta yang tidak mendapat bantuan daripada Jabatan Kebajikan Masyarakat serta berapa bilangannya di seluruh negara.
24. PR-1331-L66090
Dato' Dr. Tan Kee Kwong [Wangsa Maju] minta **MENTERI PERTAHANAN** menyatakan apakah terdapat sebarang kajian untuk sebarang program atau latihan atau kursus ringkas bagi menggantikan PLKN yang sedang ditangguhkan.
25. PR-1331-L66464
Ir. Shaharuddin bin Ismail [Kangar] minta **MENTERI PENGANGKUTAN** menyatakan perancangan Kementerian bersama dengan agensi berkaitan untuk menambah baik mutu perkhidmatan, ketepatan masa dan keselamatan feri penumpang dari Kuala Perlis ke Langkawi.
26. PR-1331-L65464
Dr. Azman bin Ismail [Kuala Kedah] minta **MENTERI DALAM NEGERI** menyatakan berapakah kes orang yang disyaki penjenayah yang didera dan dcederakan oleh orang ramai secara spontan dan serius (contoh disyaki peragut) bagi tahun 2013 dan 2014. Apakah pendakwaan yang dilakukan terhadap orang yang mencederakan orang yang disyaki dan apakah hasilnya.
27. PR-1331-L67332
Datuk Rozman bin Isli [Labuan] minta **MENTERI PENGANGKUTAN** menyatakan adakah Kementerian akan membina sebuah pelabuhan bersepadu seperti yang dirancang memandangkan keadaan pelabuhan Labuan ketika ini sangat sesak.
28. PR-1331-L66149
Tuan Wong Tien Fatt @ Wong Nyuk Foh [Sandakan] minta **MENTERI KEWANGAN** menyatakan bilangan syarikat dan pendapatan yang dihasilkan dari sektor perjudian di Sabah khususnya bisnes 4D dan nyatakan cukai yang perlu dibayar oleh syarikat perjudian sah tersebut.
29. PR-1331-L65800
Dr. Noor Azmi bin Ghazali [Bagan Serai] minta **MENTERI PENGANGKUTAN** menyatakan kebelakangan ini banyak kejadian kebakaran kereta sama ada disebabkan kemalangan, litar pintas atau kerosakan enjin kenderaan yang menyebabkan maut. Apakah langkah Kementerian untuk memberikan kesedaran dalam menangani kejadian ini dan apakah Kementerian akan mewajibkan alat pemadam api dalam setiap kenderaan.

30. PR-1331-L66295
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KEWANGAN** menyatakan perincian strategi jangka pendek, sederhana dan panjang tanpa membebankan rakyat dalam menangani susut nilai ringgit berterusan dan impaknya ke atas akaun semasa dan imbalan pembayaran serta kejatuhan harga global minyak dan gas dan impaknya ke atas pengukuhan fiskal.
31. PR-1331-L66040
Datuk Aaron Ago anak Dagang [Kanowit] minta **MENTERI PENDIDIKAN** menyatakan kuota pengambilan pelajar lepasan SPM/ STPM/ graduan kolej tempatan dari Sarawak untuk masuk ke institut pendidikan dibandingkan dengan negeri-negeri lain. Apakah masalah sebenarnya yang menyebabkan Sarawak tidak mempunyai cukup guru yang berasal dari Sarawak untuk ditempatkan di sekolah-sekolah di Sarawak.
32. PR-1331-L65594
Tuan Sim Tong Him [Kota Melaka] minta **MENTERI PERTAHANAN** menyatakan:-
- (a) bagaimanakah dengan perjanjian-perjanjian yang telah ditandatangani seperti sewaan-sewaan kem PLKN, perkhidmatan bas, pembekal makanan dan lain-lain berikutan penangguhan Program PLKN yang diumumkan oleh Perdana Menteri dan jumlah tanggungan kewangan atas penangguhan ini; dan
 - (b) adakah Kementerian bercadang mengkaji semula tentang pelaksanaan PLKN ini.
33. PR-1331-L65630
Dato' Haji Zainudin bin Ismail [Jelebu] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan:-
- (a) apakah Kementerian ada membuat kajian kenapa harga barangan dan perkhidmatan tidak turun apabila harga minyak telah turun dan kenapa ia sedemikian; dan
 - (b) apakah mekanisme yang akan dan sedang dijalankan untuk memastikan para peniaga menurunkan harga barangan dan perkhidmatan selaras dengan penurunan harga minyak.
34. PR-1331-L66356
Tuan Lim Kit Siang [Gelang Patah] minta **PERDANA MENTERI** menyatakan mengapa Jemaah Menteri mempertahankan Menteri Pertanian dan Industri Asas Tani yang menunjukkan kemarahan orang ramai khasnya pengguna Melayu terhadap masalah harga barangan yang tinggi kepada peniaga Cina, satu tindakan yang bahaya dan tidak bertanggungjawab di negara majmuk kita.

35. PR-1331-L67421
Dato' Sri Azalina binti Dato' Othman Said [Pengerang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan:-
- (a) apakah tindakan yang diambil pihak Kementerian terhadap pemaju yang gagal menyiapkan Perumahan Taman Bayu Damai dalam keadaan baik bagi penempatan penduduk kerana keadaan tanah yang mendap, rumah senget, longkang pecah dan rumah retak. Hal ini amat serius kerana keselamatan penduduk amatlah diutamakan dalam hal ini; dan
 - (b) adakah pihak PETRONAS memantau projek perumahan Taman Bayu Damai ini kerana yang terlibat dalam masalah perumahan ini adalah mereka yang diminta untuk berpindah ekoran projek RAPID di bawah PETRONAS.
36. PR-1331-L65521
Dato' Fauzi bin Abdul Rahman [Indera Mahkota] minta **MENTERI SUMBER ASLI DAN ALAM SEKITAR** menyatakan adakah Kementerian sedar bahawa dengan kenaikan harga '*bauxite*' iaitu sumber alumina, telah muncul beberapa lombong sama ada secara halal atau haram yang tidak dikawal selia dengan baik. Ini telah menimbulkan kegelisahan rakyat kerana lombong-lombong ini adalah '*under-regulated*' dan menjadi ancaman kesihatan disebabkan debu-debunya dan mengotorkan jalan raya di laluan pengangkutannya; contoh lombong-lombong adalah di kawasan Parlimen Indera Mahkota dan Paya Besar.
37. PR-1331-L66496
Tuan Anuar bin Abd. Manap [Sekijang] minta **MENTERI BELIA DAN SUKAN** menyatakan:-
- (a) adakah pihak Kementerian menetapkan agar semua atlet menjalani ujian '*doping*' dalam jangka masa tertentu; dan
 - (b) apakah bentuk hukuman yang paling berat diperuntukkan bagi atlet yang gagal ujian '*doping*'.
38. PR-1331-L66483
Tuan Sim Tze Tzin [Bayan Baru] minta **PERDANA MENTERI** menyatakan semua peluang biasiswa yang ditaja oleh kerajaan pusat dan agensi kerajaan pusat dalam dan luar negeri untuk pelajar lepasan SPM, STPM dan lepasan Ijazah. Nyatakan berapakah biasiswa yang ditawarkan.
39. PR-1331-L66335
Dr. Tan Seng Giaw [Kepong] minta **MENTERI WILAYAH PERSEKUTUAN** menyatakan setakat mana pengurusan pentadbiran dan projek-projek di Wilayah Persekutuan terjejas dengan kajian semula Bajet 2015. Apakah langkah-langkah menyesuaikan.

40. PR-1331-L65679
Datuk Johari bin Abdul Ghani [Titiwangsa] minta **MENTERI PENDIDIKAN** menyatakan sebarang perancangan berkenaan langkah pencegahan terhadap pengaruh negatif media sosial yang menjejaskan nilai etika dan budaya khususnya bagi kelompok para pelajar sama ada di peringkat sekolah rendah, dan menengah.
41. PR-1331-L66856
Tuan Teo Kok Seong [Rasah] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan secara terperinci usaha Kerajaan untuk menangani masalah kos sara hidup yang dihadapi oleh seluruh rakyat Malaysia untuk menghadapi pelaksanaan sistem percukaian GST.
42. PR-1331-L66536
Tuan Tony Pua Kiam Wee [Petaling Jaya Utara] minta **PERDANA MENTERI** menyatakan jumlah saham yang dibeli oleh peneroka FELDA semasa penyenaian Syarikat Felda Global Ventures Holdings Bhd. (FGVH) dan jumlah saham yang masih dipegang oleh mereka hari ini. Adakah harga saham FGVH akan terus merosot akibat kerugian yang berterusan tahun ini.
43. PR-1331-L65717
Dato' Kamarudin bin Jaffar [Tumpat] minta **MENTERI PENGANGKUTAN** menyatakan apakah perkembangan terkini usaha mencari pesawat MH370.
44. PR-1331-L66905
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan jumlah pekerja asing setakat 31 Disember 2014.
45. PR-1331-L67458
Datuk Hajah Norah binti Abd Rahman [Tanjong Manis] minta **MENTERI TENAGA, TEKNOLOGI HIJAU DAN AIR** menyatakan sama ada kejadian air tidak terhasil atau '*non-revenue water*' (NRW) masih tinggi di Malaysia dan jika masih tinggi, apakah langkah yang diambil oleh Kementerian bagi mengurangkan insiden dan peraturan NRW ini.
46. PR-1331-L65435
Tuan Hee Loy Sian [Petaling Jaya Selatan] minta **MENTERI PENGANGKUTAN** menyatakan hasil siasatan dan pampasan yang diberikan kepada mangsa dan keluarga terbabit dalam nahas pesawat MH17.
47. PR-1331-L66447
Tuan Lim Lip Eng [Segambut] minta **MENTERI PERTAHANAN** menyatakan sama ada Kerajaan berhasrat menjadi negara pertama di Asia Tenggara yang memiliki senjata nuklear. Apakah jenis senjata yang akan dibeli tahun ini mengikut kosnya dan negara buaatannya dan sama ada ia termasuk senjata yang dikenali dengan nama "*PepperBall*".

48. PR-1331-L66715
Puan Teo Nie Ching [Kulai] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan jumlah syarikat yang gagal untuk memfailkan '*annual returns and audited financial reports*' seperti yang telah diwajibkan di bawah Seksyen 169 Akta Syarikat dan antara mereka, berapa yang telah diambil tindakan.
49. PR-1331-L67367
Datuk Mas Ermieyati binti Samsudin [Masjid Tanah] minta **MENTERI TENAGA, TEKNOLOGI HIJAU DAN AIR** menyatakan apakah halangan yang telah menyebabkan penangguhan pembentangan cadangan dasar kecekapan tenaga dan pelan induk 10 tahun perlaksanaan inisiatif-inisiatif kecekapan tenaga di peringkat nasional seperti yang telah dimaklumkan dalam sesi-sesi Parlimen sejak tahun 2012.
50. PR-1331-L66613
Tuan Ramkarpal Singh a/l Karpal Singh [Bukit Gelugor] minta **MENTERI PENGANGKUTAN** menyatakan sama ada keluarga mangsa-mangsa MH370 dimaklumkan bahawa tragedi tersebut telah diisytiharkan sebagai satu kemalangan sebelum pengisytiharan rasmi dibuat dan sekiranya tidak, nyatakan alasan-alasannya.
51. PR-1331-L66255
Dato' Mohd Ariff Sabri bin Abdul Aziz [Raub] minta **MENTERI KEWANGAN** menyatakan:-
- (a) berikutan dengan suntikan RM2 bilion ke dalam Powertek Investment Holding (PIH) oleh Tan Sri Ananda Krishnan, berapakah peratusan ekuiti beliau di dalam PIH; dan
 - (b) adakah benar Tan Sri Ananda menyuntik RM2 bilion itu bagi membolehkan PIH mendapat pinjaman jangka pendek RM2 bilion tersebut dari konsortium bank-bank.
52. PR-1331-L67160
Puan Hajah Normala binti Abdul Samad [Pasir Gudang] minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh manakah pencapaian pihak Kementerian dapat membantu warga emas yang hidup melarat mengalami kemiskinan tegar agar dapat meneruskan kehidupan seperti masyarakat biasa dengan pemberian bantuan sara hidup oleh Kementerian.
53. PR-1331-L66141
Tuan Ignatius Dorell Leiking [Penampang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sekiranya Kerajaan Pusat dan Kerajaan Negeri akan membina bangunan-bangunan ibadat yang lain dan bukan hanya surau/masjid yang selalunya dibina dalam projek-projek perumahan dan institusi yang ditanggung oleh Kerajaan atau Syarikat Berkaitan Kerajaan.

54. PR-1331-L66413
Dato' Johari bin Abdul [Sungai Petani] minta **MENTERI KEWANGAN** menyatakan akhbar Singapura, The Bussiness Times pada 7 Februari 2015 melaporkan CEO 1MDB, Arulkanda Kandasamy mengesahkan wang berjumlah RM3 bilion dari Pulau Cayman tidak akan dibawa balik ke Malaysia:-
- (a) adakah benar kenyataan ini. Jika benar kenapa tidak dapat dibawa balik; dan
 - (b) jika telah dibawa balik berapa jumlah sebenar dan bila.
55. PR-1331-L65899
Datuk Madius Tangau [Tuaran] minta **PERDANA MENTERI** menyatakan berapakah jumlah peruntukan yang telah diberikan kepada Amanah Ikhtiar Malaysia (AIM) sejak penubuhannya dan berapakah pula peruntukan tahunan AIM Sabah sejak ditubuhkan sehingga sekarang dan apakah status kejayaannya untuk membasmi kemiskinan di kalangan wanita.
56. PR-1331-L66965
Tuan Er Teck Hwa [Bakri] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilangan lesen perniagaan, lesen sementara perniagaan telah dikeluarkan mengikut setiap pihak berkuasa tempatan, berapakah permohonan yang masih diproses dan telah ditolak setiap tahun daripada 2010 hingga 2014.
57. PR-1331-L65699
Datuk Dr. Makin @ Marcus Mojigoh [Putatan] minta **MENTERI PENDIDIKAN** menyatakan:-
- (a) sama ada pihak Kementerian bercadang untuk menjadikan Bahasa Mandarin sebagai bahasa penghantar ketiga dalam Sistem Pendidikan Negara; dan
 - (b) adakah pihak Kementerian bercadang untuk "*Nationalised*" sekolah jenis Kebangsaan.
58. PR-1331-L67392
Tuan Liew Chin Tong [Kluang] minta **PERDANA MENTERI** menyatakan rujukan kepada Jawapan Lisan No. Soalan 61 pada Sesi Parlimen 12 Jun 2014, apakah dan berapakah pemintasan komunikasi dan email dibuat terhadap ahli-ahli politik sebelum tahun 2009.
59. PR-1331-L66391
Puan Nurul Izzah binti Anwar [Lembah Pantai] minta **MENTERI PENDIDIKAN** menyatakan:-
- (a) garis masa pembaikan 1608 sekolah-sekolah kritikal yang diumumkan dalam Rancangan Pendidikan Nasional 2020; dan

- (b) sama ada RM1 bilion pembaikan sekolah-sekolah di Sarawak yang diumumkan oleh Menteri pada Februari 2014 telah pun diberikan kepada Kerajaan Negeri. Perincian juga penggunaan dana tersebut.
60. PR-1331-L66106
Dr. Lee Boon Chye [Gopeng] minta **PERDANA MENTERI** menyatakan usaha-usaha yang diambil bagi mengelakkan bencana banjir di Pantai Timur baru-baru ini supaya tidak berulang.
61. PR-1331-L66835
Dato' Abd. Aziz bin Haji Sheikh Fadzir [Kulim Bandar Baharu] minta **PERDANA MENTERI** menyatakan:-
- (a) jumlah pekerja berstatus kontrak di sektor awam pada masa ini; dan
- (b) melalui pemerhatian, terdapat segolongan pekerja kontrak ini tidak terjaga daripada segi gaji dan skop kerja yang tidak jelas. Apakah perancangan Kerajaan dalam memastikan kebajikan pekerja berstatus kontrak ini terjaga.
62. PR-1331-L66108
Dr. Lee Boon Chye [Gopeng] minta **MENTERI KEWANGAN** menyatakan peranan Jho Low dalam 1MDB semasa pembentukan dan semasa pengurusan sekarang.
63. PR-1331-L65745
Tuan M. Kulasegaran [Ipoh Barat] minta **PERDANA MENTERI** menyatakan sama ada kabinet masih komited kepada keputusan kabinet yang telah diputuskan pada tahun 2009 iaitu pengharaman terhadap penukaran dan pengislaman unilateral kanak-kanak yang berusia 18 tahun ke bawah kepada agama Islam.
64. PR-1331-L67019
Tuan Mohamed Azmin bin Ali [Gombak] minta **MENTERI KEWANGAN** menyatakan mengapa 1MDB diberikan keistimewaan untuk kelewatan bayaran bulanan memandangkan kegagalan 1MDB membayar balik pinjaman mengakibatkan keuntungan Maybank Berhad menurun sebanyak 56 peratus.
65. PR-1331-L67447
Dato' Ahmad Fauzi bin Zahari [Setiawangsa] minta **PERDANA MENTERI** menyatakan secara spesifik setakat tarikh hari ini berapa banyakkah bilangan rumah yang telah didirikan semula di seluruh kawasan yang terjejas teruk akibat banjir besar yang melanda negara baru-baru ini.
66. PR-1331-L65780
Tuan Wilson Ugak Kumbong [Hulu Rajang] minta **MENTERI KEMAJUAN LUAR BANDAR DAN WILAYAH** menyatakan sekiranya ada cadangan untuk membina Pusat Tranformasi Luar Bandar (RTC) bagi menampung permintaan perkhidmatan yang kian meningkat di kalangan penduduk-penduduk di Kapit dan Belaga.

67. PR-1331-L67196
Puan Kasthuriraani a/p Patto [Batu Kawan] minta **MENTERI KEWANGAN** menyatakan sama ada GST akan dikenakan ke atas “kad perubatan” atau “*medical card*” memandangkan kadar premium telah dinaikkan oleh syarikat insurans dan apakah usaha Kerajaan untuk memastikan rakyat golongan pertengahan mendapat perlindungan insurans yang sewajarnya.
68. PR-1331-L67247
Tuan Julian Tan Kok Ping [Stampin] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jumlah kedai yang menjalankan perjudian haram yang telah pun dikenakan tindakan di kawasan Parlimen Bandar Kuching (P.195) serta Stampin (P.196) semenjak 2014. Senaraikan serta jumlah pegawai yang dikenakan dakwaan mahupun diberi amaran secara rasmi.
69. PR-1331-L67093
Datuk Seri Panglima Haji Abdul Ghapur bin Haji Salleh [Kalabakan] minta **MENTERI DALAM NEGERI** menyatakan:-
- (a) apakah Kementerian maklum bahawa untuk menampung keperluan Bandaraya Kota Kinabalu terdapat hanya ada 21 anggota polis trafik; dan
 - (b) jika maklum, apakah Kementerian berpuas hati bahawa jumlah ini sudah mencukupi untuk memenuhi keperluan kawalan lalu lintas di Bandaraya Kota Kinabalu.
70. PR-1331-L66639
Dato' Seri Reezal Merican bin Naina Merican [Kepala Batas] minta **MENTERI TENAGA, TEKNOLOGI HIJAU DAN AIR** menyatakan mengenai masa hadapan penggunaan teknologi nuklear di Malaysia. Apakah hala tuju sebenar negara dalam kemungkinan nuklear sebagai sumber tenaga alternatif masa hadapan.
71. PR-1331-L66660
Tuan Loke Siew Fook [Seremban] minta **MENTERI DALAM NEGERI** menyatakan status siasatan ROS terhadap pemilihan semula CEC DAP dan mengapakah ROS melengah-lengahkan keputusan walaupun pemilihan semula tersebut telah dijalankan pada 29 September 2013.
72. PR-1331-L66034
Tuan Anyi Ngau [Baram] minta **MENTERI KESIHATAN** menyatakan adakah pihak Kementerian akan mempertimbangkan keperluan mendesak pembinaan Klinik Kesihatan untuk penduduk Long San yang masih bergantung kepada klinik mubaligh yang dibina semenjak tahun 1958.
73. PR-1331-L66212
Tuan Charles Anthony Santiago [Klang] minta **MENTERI KESIHATAN** menyatakan adakah Kementerian telah membuat kajian “*health impact assessment*” khususnya kepada orang miskin memandangkan Kementerian akan tandatangani perjanjian TPP.

74. PR-1331-L66231
Puan Teresa Kok Suh Sim [Seputeh] minta **PERDANA MENTERI** menyatakan kelemahan Majlis Keselamatan Negara (MKN) dalam menangani banjir besar di Pantai Timur pada akhir tahun Disember 2014 dan langkah Kerajaan untuk mengatasi kelemahan MKN dalam menangani malapetaka. Nyatakan sebab Kerajaan tidak mengumumkan darurat semasa banjir besar berlaku supaya lebih banyak agensi Kerajaan boleh menyertai misi menyelamatkan.
75. PR-1331-L67047
Dr. Mansor bin Abd Rahman [Sik] minta **MENTERI KEWANGAN** menyatakan apakah Kementerian mempunyai perancangan atau mengkaji semula berkaitan syarat pendaftaran peniagaan yang mempunyai penjualan minimum RM500,000 yang akan dikenakan GST. Ini adalah disebabkan penjualan yang diterima tidak menggambarkan keuntungan sebenar peniaga disebabkan kejatuhan nilai ringgit turut memberi kesan ke atas perniagaan mereka terutamanya melibatkan barangan import.
76. PR-1331-L66527
Tuan Haji Ahmad Lai bin Bujang [Sibuti] minta **MENTERI PELANCONGAN DAN KEBUDAYAAN** menyatakan:-
- (a) apakah usaha Kementerian untuk memperluaskan program perpustakaan moden di luar bandar di seluruh negara sejak tahun 2008; dan
 - (b) adakah pihak Kementerian bercadang untuk membina perpustakaan awam di Parlimen Sibuti memandangkan keadaan perpustakaan awam di Parlimen Sibuti tidak mampu menarik ramai pembaca dan fasiliti yang jauh ketinggalan zaman.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Datuk Seri Noh bin Haji Omar [Tanjong Karang]** dan masalah dicadangkan :-

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Ketiga, Parlimen Yang Ketiga Belas.”

Menyambung semula Perbahasan atas masalah (17 Mac, 2015)

- | | | | |
|----|----------------|--|-------------------------------|
| 2. | (D.R. 24/2014) | Rang Undang-undang Dadah Berbahaya (Pindaan) (No.2) 2014

[Menteri Kesihatan] | Bacaan Kali Yang Kedua |
| 3. | (D.R. 29/2014) | Rang Undang-undang Pendidikan (Pindaan) 2014

[Menteri Pendidikan] | “ |
| 4. | (D.R. 26/2014) | Rang Undang-undang Perhubungan Perusahaan (Pindaan) 2014

[Menteri Sumber Manusia] | “ |
| 5. | (D.R. 30/2014) | Rang Undang-undang Teknologis dan Juruteknik 2014

[Menteri Sains, Teknologi dan Inovasi] | “ |
| 6. | (D.R. 23/2014) | Rang Undang-undang Ahli Parlimen (Saraan) (Pindaan) 2014

[Perdana Menteri] | “ |

7. Menteri Kewangan akan mencadangkan :-

"Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut."

8. PR-1331-U65762

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

[Perdana Menteri]

9. PR-1331-U65853

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka

menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

[Menteri Dalam Negeri]

10. PR-1331-U65760

Tuan M. Kulasegaran [Ipoh Barat] akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

11. PR-1331-U66345

Dr. Tan Seng Giaw [Kepong] akan mencadangkan:-

"Bahawa Dewan ini membahaskan banjir besar di negara."

[Perdana Menteri]

12. PR-1331-U66346

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan gerakan militan di Malaysia."

[Menteri Dalam Negeri]

13. PR-1331-U67135

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

14. PR-1331-U67141

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2015</u>	<u>RISALAT/DOKUMEN</u>	<u>TARIKH DIBENTANGKAN</u>
DR.2	Laporan Jawatankuasa Kira-Kira Wang Negara Parlimen Ketiga Belas – Pengurusan Perolehan Lembaga Kemajuan Tanah Persekutuan (FELDA)	18 Mac 2015
ST. 15	Laporan Tahunan dan Penyata Kewangan Universiti Malaysia Sabah (UMS) Bagi Tahun 2013	18 Mac 2015
ST. 21	Laporan Tahunan dan Penyata Kewangan Universiti Malaysia Perlis (UniMAP) Bagi Tahun 2013	18 Mac 2015
ST. 25	Laporan Tahunan dan Penyata Kewangan Pusat Perubatan Universiti Malaya (PPUM) Bagi Tahun 2013	18 Mac 2015
ST. 31	Laporan Tahunan Dan Penyata Kewangan Kumpulan Wang Simpanan Guru-Guru (KWSG) Bagi Tahun 2013	18 Mac 2015